


**DICTIO HABITA IN  
MAGNA AULA  
SENATORIÆ ÆDIS  
VELITERNÆ  
CIVITATIS A...**

---

Gian Carlo Antonelli







*In hoc, nobiles Cives, vestrum præsentia, & Senatus amplitudine ornatissimo loco alteras voces meas, quibus in pari publicæ lætitiæ causa vos fueram alloquutus, resonare adhuc, spectata temporis, quod intercessit, ratione, in opinionem adducor. Et sanè spes nostra tunc erigi videbatur, fore ut ne tam præproperè hæc eadem a Vobis essent*

*ineunda Comititia : nec ut me , iustum denuo hanc Aulam ascendere Augusti Cæsaris Civis nostri pictis facinoribus splendidam , iterum dicentem audiretis . Sed heu quàm facile in nostris consiliis decipimur ! Multa interdum lateri nostro adhærere inopinatò conspiciamus , quæ credulitate bona longè a nobis abesse putabantur .*

*Cum nil igitur minùs , quàm de præsentium gaudiorum celebritate cogitaremus , Eminentissimus & Reverendissimus Dominus CAROLUS ALBERTUS GUIDOBONUS CAVALCHINUS Sacri Collegii Cardinalium Decanus , Veliternensis , & Ostiensis Episcopus illam in nobis , communi animorum consensione , hac die excitavit , qua temporalis hujus Civitatis*  
regi-

*regiminis primordia ejus claro nomine feliciter auspicantur. Excitavit inquam plena dignitatis, & laudis Fama, quæ de Cardinali CAVALCHINO longè latèque versatur. Romæ & cæteris Gentibus in aperto sunt sapientis suæ Vitæ instituta, excellens scientiarum in muneribus egregiè actis præstantia, eximia morum probitas, & suavitas, ita tamen, ut nihil de laudabili gravitate remittat. Quapropter jure quodam suo factum est, quod, hisce ducibus, jam diu in excelso sacro Cardinalium Senatu sibi paraverat locum, donec Benedictus XIV. Pontifex Maximus illum ejusdem Virtuti tribuendum esse, cum profectò dederit, jure merito existimavit. Hoc autem honore, quoniam CLEMENTI XIII., qui di-*

*vino*


*vino consilio concreditam sibi Ecclesiam inter rerum perturbationes sapienter, prudenterque moderatur, & regit, CAROLUM ALBERTUM ornare datum non fuit, vix gloriosi Apostolatus sui viam ingressus gravissimæ Præfecturæ accessione decoratum, auctumque voluit. Revocata enim ad mentem perspecta ejus integritate, & doctrina, ipsum Ecclesiasticæ largitatis constituit Dispensatorem.*

*Verùm, quamvis magnoperè hoc argumento delecter, attamen in suorum meritorum commentationem excurrere propositum mihi non est; neque cætera animi sui ornamenta perquirere, quæ amplificationibus non egent, ne dictio mea captandæ gratiæ causa longiùs in ejusdem laudibus*

*dibus producta videatur. Sed quia  
veritatem etiam in dicendo confe-  
ctor, hoc unum ipsa non sinit silen-  
tio præteriri, quod Cardinalis CA-  
VALCHINUS Purpuratis Patribus in  
Vaticanis Comitibus dignus fuerit vi-  
sus, qui in suprema Petri Cathedra  
locaretur.*

*Quæ cum ita sint, omnia inquam  
Justitiæ, Pietati, publicisque com-  
modis consentanea ab eo expectan-  
da sunt, quæ præstantioribus Vir-  
tutum suffultus præsidiiis non potest  
ad nos sua non deferre beneficia, nisi  
vim sibi maximam faciat. Suppli-  
ces itaque voces, precesque nostras  
pro ejus incolumitate taliter ad  
Deum assidue dirigamus, ut ferven-  
tioribus votis ille nequeat a nobis de-  
precari. Optare etenim ipsi diutur-*  
nam

*nam vitam, & adversus omnes in-  
fensas corpori affectiones indomitam,  
idem profectò esse scimus, ac optare  
nobis diuturnam certamque felici-  
tatem. Salus Populi est optimus  
Princeps. Dicebam.*





*nam vitam, & adversus omnes infensas corpori affectiones indomitam, idem profectò esse scimus, ac optare nobis diuturnam certamque felicitatem. Salus Populi est optimus Princeps. Dicebam.*

